

Epaonensi parocia mox futurum : ubi clericos, prout expedit, convenire compellimus, laicos permittimus interesse : ut quæ a solis pontificibus ordinanda sunt, et populus possit agnoscere. Et quia justum est ut omnes catholici clericos bonæ vitæ habere desiderent; reprehendendi quod quisque noverit aditum omnibus æperimus. Pateat cunctis contra quem voluerit licentia proponendi; jurgandi potestate laxata, desinat in votorum nequitia murmur occultum. Studebit tamen probare quod detulerit accusator;

A nec pulset quisquis forsitan recte viventes tuto inanibus mendaciis infamandos. Nemo nisi quod docere possit objiciat; verecundiam quam virtus timere debet, convictor [*Forte, conviciator*] excipiet; utriusque status parti et audiendi patientia et judicandi æquitate præmissa. Dominus vos custodire dignetur, in Christo suscipiendi fratres et filii. Proposita sunt die iv idus mensis quarti, Agapeto consule (*Anno Christi 517*).

ANNO DOMINI DXL.

## TROJANUS<sup>a</sup>, EPISCOPUS SANTONENSIS.

### EPISTOLA TROJANI

AD EUMERIUM EPISCOPUM NAMNETENSEM.

*De puero qui an baptizatus esset nesciebat.*

Domno semper suo Eumerio<sup>b</sup> episcopo Trojanus episcopus.

Deferentibus diaconibus quos ad humilitatem meam misistis, litteras vestræ sanctitatis accepi, in quibus consultis de quodam puero qui nescire se dicit si fuerit baptizatus, nisi hoc tantum recolit quod de linteo caput habuit involutum; quod frequenter

<sup>a</sup> Hanc vero habent codices non pauci, sed sine nominibus civitatum. Itaque ex conjectura nostra supplevimus : quæ si vera est, Trojanum episcopum Santonensem, de quo scribit Gregorius Turonensis de Gloria confessorum cap. 59, his temporibus flo-

R infirmantibus post dolorem fieri solet, ne caput ageat, et recidivam incurrat. His itaque reddo in Domino debitæ salutationis officium; et quod a majoribus nostris statutum est indubitanter judicare præsumo. Statutum noveris ut quicumque se baptizatum fuisse non recolit, nec ab alia persona id factum fuisse probatur, baptismum absque ulla dilatione percipiat; ne a nobis illius anima, si a baptizatis separata fuerit, requiratur (*S. Leo I papa, ep. ad Rusticum cap. 16*). Ora pro nobis, domnemerito in Christo beatissime.

ruisse dicendum est. De Eumerio enim Namnetensi constat ex subscriptionibus conc. Aurelianensis iv. JAC. SIMONDS.

<sup>b</sup> Evemerus dicitur Fortunato IV, 1, in ejus epitaphio.

ANNO DOMINI DXL

## PONTIANUS EPISCOPUS AFRICANUS.

### EPISTOLA PONTIANI EPISCOPI

AD JUSTINIANUM IMPERATOREM.

*De tribus capitulis.*

Clementissimo atque piissimo filio Justiniano imperatori Pontianus episcopus in Domino salutem.

Principaliter nomen ab ipsis incunabulis justitiæ suscepisti: et justus Dominus qui ita præstitit, ut nomen ante justitiæ tribuerit, cui imperii postmodum gubernacula contulisset. Adunata est igitur gratia Creatoris non solum in nomine, verum etiam et merito, cujus vita exaltata est imperando, et im-

C perium juste vivendo. Dignatus es nos in Africanis partibus commorantes litteris admonere, qualem fidem teneas et defendas. Cognovimus quod Dominus beato Petro statuit, dicens : *Super hanc petram ædificabo Ecclesiam meam, et portæ inferi non prævalent adversus eam, et tibi dabo claves regni caelorum* (*Matth. xvi*). Exsultavit spiritus noster, hoc firmiter te piissime esse imperator, quod apostolica fides prædicat, credentes quod a rectæ credulitatis tramite non declines. Talem enim decet esse imperatorem, pium, justum, fidelem, qualem te nos esse cognovimus. In extremo itaque epistolæ vestræ cognovimus,